



20. juni 2012

Inatsisartut suleriaasiat § 37 immikkoortoq 1 naapertorlugu Naalakkersuisunut imaattumik apeqquteqarniarpunga.

29. maj akissutissinnut (sags.nr.2012-066512) tapiliullugu apeqquteqaqqippunga.

Inissiani Pisortat pigisaanni ineqarnerminnut akiliineq ajortut akiliutissaralui Pisortanit isertitassatut annaaneqartut, immikkoortortami najugaqataannut (boligafdeling) akiligassanngortinneqartarneri Naalakkersuisunit pissusissamisoorutut isigineqarpa?

Ineqarnerminnut akiliinngitsoortartunit isertitassatut annaaneqartut najuqarfimmi immikkoortoortamut (boligafdeling) ingerlateqqinneqartarneri, najugaqartunut ataasiakkaanut ukiumut ineqarnermut akiliutaannut qanoq anigaasartuutaatiginerusarpata/akitsorsaataasarpata?

Aningaasat akiliinngitsoortartunit annaaneqartut najugaqartunut allanut ingerlateqqinneqartarunnaarpata piginnittunut qanoq kinguneqassava?

Akissutissinnimi uani innersuussutigisassinni akiliinngitsoortartut akiliutissaralui annaaneqartut ilanngullugit akilerneqartarnissaat takusinnaanngilara.

Takuuk akissutarsi ataani allassimasoq.

“Inatsisartut peqqussutaat nr. 2, 12. maj 2005-imeersumi tak. § 31, aamma ingerlatsinermut atatillugu aningaasartuutit, matumani ilanngullugit allaffissornikkut aqutsinermut akiliutit, tak. § 32, imm. 1-6, aserorterisarnermik pinaveersaartitsinermut akiliutit, tak. § 32, imm. 7, aamma akiliutissatut illuartitallu aalajangikkat.”

Iluatsillugu nassuiaquara akiliineq ajortut akiliutissaralui najugaqarfimmi immikkoortortami najugaqartunut allanut akiligassanngortinneqartassanersut sumi allassimanersoq?

(Inatsisartuni ilaasortaq Malik Berthelsen, Siumut)

Tunnngavilersuut:

Apeqqutigisa siulleq akisimannginnassiuk apeqqutigeqqippara. Apeqqutigivara ineqarnerminnut akiliineq ajortut akiliutissaralui najugaqartunut pisuussuteqaqqippunut tassa akiliuaannartunut akiligassat ingerlateqqinneqartarnerat Naalakkersuisut pissusissamisoorutut isiginerissi?

Isumaga malillugu pissusissamisunngilaq najugaqartut ineqarnerminnut akiliuaannartut akiliineq ajortut akiliutissaraluinik pillarneqartarnerat.